



*Minggu, 08 Agustus 2021*  
**Ogen: Esekiel 12:3-16**



*"Sanga Wari Siang Denga"*



**M**elala cara Dibata mereken kata persinget man banta si la ngergaken IA. Salah sada cara Dibata mereken kata persinget man Bangsa Israel emekap makeken kegeluhen Esekiel guna tading i tengah-tengah bangsa pemberontak e eme Bangsa Israel. Dibata mereken rencanana man Esekiel segelah i bas siang denga bangsa e banci ngenen kerna kai si ilakoken Esekiel (ayat3). Enda me rencana si ibahan Dibata segelah tuhu-tuhu bangsa Israel e ngasup ngidah cara Dibata mpelimbarui kegeluhen Bangsa Israel.

Adi si ukuri kerna cara Dibata enda, tuhu aneh, unik ras di luar dari kendali manusia. Melala cara, tapi tetap nge cara Dibata e pasti lit tujun si mehuli. Me banci saja ndigan pe ibahan Dibata caraNa e guna mpersingeti manusia, tapi ipilih Dibata me sada dalam si iakapNa si mehuli eme *sanga wari siang denga*, eme cara Dibata si la terukuri manusia. Manusia eme salah sada bagin bas bangsa si pemberontak e. Nggo nge kita siap nggejapkan cara Dibata mpersingeti kita? CaraNa e pasti la pernah si sangka ras si duga. Ndigan pe, Dibata banci mereken kata persinget man banta. Dibata pe banci make isepe guna mpersingeti kita bali bagi Esekiel ndai ija ia isuruh tading i tengah-tengah Bangsa Israel. Mungkin saja, kalak si la si duga si ndeher ras kita ipake Dibata guna mpersingeti kita gelah tetap ngergaken Dibata bas kegeluhenta atau mungkin saja si la tandai e pe baci ipake Dibata guna mpersingeti kita. Jalan Tuhan bukan jalan kita, Peraten Dibata labo peratenta si terjadi. Ndigan pe, baci ipersingetiNa kita. Ope denga ipersingetiNa kita, haruslah kita lebe sedar i bas kinilatunggungenta ndalani kegeluhenta e. Ndaratlah kita arah bangsa pemberontak nari, ertina ndigan pe haruslah kita ndalani kegeluhenta e bagi si ngena ate Dibata, sabap IA si meteh kerna wari-wari si pepagi. Ergaken Dibata ula pernah nimbak kerna kataNa bagi bangsa Israel.